

Sasak - Solah-Jahat Pikiran Kitab Suci - Good-Bad Mind Scriptures

Solah Pikiran Kitab Suci - Good Mind Scriptures

Markus 5:15 le pade dateng ojok Deside Isa. Terus serioqne dengan saq tekuasein siq Legiun nike, kenyike tokol lēq derike. le sampun kadu kelambi, dait pikiranne ēndah sampun waras. Make ie pade selapuq jari takut.

Lukas 8:35 Beterus dengan-dengan sugul jari serioq napi saq telaksane. le pade dateng tipaq Deside Isa, dait lēq derike ie pade ndait dengan saq sampun bēbas lēman sētan-sētan nike kenyike tokol dēkēt cokor Deside Isa. le sampun bekelambi malik dait sampun waras pikiranne. le pade jari takut.

Rasul-Rasul 17:11 Dengan-dengan lēq Berea solahan atēne tebanding dengan-dengan lēq Tesalonika. Seneng gati angen ie pade dengahang berite mengenai Deside Isa, dait sebilang jelo ie pade berajah Kitab Suci adēqne nenoaq napi pengajahan Paulus nike kenaq atao ndēq.

Rasul-Rasul 20:19 Siq kerendahan atē dait sedih gati, tiang ngelayanin Tuhan lēq tengaq-tengaq penderitean saq tiang alamin lantaran rencane jahat dengan-dengan Yahudi saq mēlē nyematēq tiang.

Roma 7:24/25 Tiang manusie celake! Sai saq gen nyelametang tiang lēman awak saq jauq tiang tipaq kematēan niki? Syukur tipaq Jehovah! Langan Junjungante Saq Mulie Deside Isa Almasih. Jari, siq hukum akal budi tiang, tiang ngelayanin hukum Jehovah, laguq lēman kemēlēq awak tiang saq bedose, tiang ngelayanin hukum dose!

Roma 8:6 Lamun pikirande tekuasein siq kemēlēq tabiat manusie, make akibatne kematēan, laguq lamun pikirande tekuasein siq Roh Jehovah, make akibatne idup dait damē sejahtere kance Jehovah.

Roma 8:27 Make Jehovah saq selidik atē manusie, wikan pekayunan Roh nike, sēngaq Roh nike do'eang dengan-dengan saq tehususang bagi Jehovah, pade maraq pekayunan Jehovah.

Roma 11:34 Dalem Kitab Suci tetulis maraq niki, "Sai saq nenoaq pikiran Tuhan? Sai saq bau nasēhatin Tuhan?

Roma 12:2 Ndaq turut kebiasean dunie niki, laguq robah diriqde mēsaq siq pembaruan budi side pade, adēq bau bēdeang pekayunan Jehovah: Saq solah, saq nyenengang Jehovah, dait saq sempurne.

Roma 12:16 Pade idup secare rukun sopoq kance saq lainne. Ndaq kajuman, laguq jauq diriqde lēq hal-hal saq sederhane. Ndaq anggep

diriqde pinteran lēman saq setetune.

Roma 14:5 Araq dengan saq merase bahwe araq jelo-jelo tertentu saq pentingan lēman jelo-jelo saq lain, laguq araq ēndah saq bedowē pendapet bahwe selapuq jelo pade doang. Alurang sopoq-sopoq dengan beranggepan menurut pikiranne mēsaq.

Roma 15:6 Sehingga siq sopoq angen dait sopoq suare, side pade selapuq ngemulieang Jehovah, Bapa Junjungante Saq Mulie Deside Isa Almasih.

1 Korintus 1:10 Semeton senamian! Siq pesēngan Junjungante Saq Mulie Deside Isa Almasih, tiang tunas adēq side pade selapuq idup rukun;

adēq ndaq araq perpecahan lēq antare side. Adēq side pade besopoq, sopoq angen dait sopoq pikiran.

1 Korintus 2:16 Lēq dalem Kitab Suci tetulis, "Sai saq nenaq pikiran Tuhan? Dait sai saq nasēhatin le?" Laguq ite bedowē pikiran saq pade kance Almasih!

2 Korintus 7:7 Atēn tiang pade tehibur ndēqne cume lantaran Titus dateng, laguq ēndah lantaran Titus ngelaporang berembē atēne tehibur siq side pade. Ie bebadaq lēq tiang pade bahwe side pade melēt gati bedait kance tiang; bahwe side pade nyesel lēq perbuatande laēq dait mangkin rēde bēle tiang. Hal nike miaq tiang sayan seneng malik.

2 Korintus 8:12 Lamun side pade ihlas ngebēng, make Jehovah gen nerimaq sumbangande nike siq dasar napi saq araq lēq side, ndēqne siq dasar lēq napi saq ndēq araq lēq side. (1 Kronika 28:9)

2 Korintus 9:2 Tiang nenaq side pade seneng nulung, dait sampun tiang banggeang side pade tipaq dengan-dengan lēq Makedonia. Tiang badaq ie pade, bahwe lēman taun saq juluan, semeton-semeton lēq Akaya sampun siep gen ngebēng sumbangan. Dait semangetde sampun miaq luwēq dengan lēman ie pade milu besemanget ēndah.

2 Korintus 13:11 Ahirne, semeton senamian, side pade harus gembire, dait berusahe jari sempurne. Terimaq selapuq nasēhat tiang. Side pade harus sepaham dait idup dalem damē sejahtere. Jehovah sumber kasih dait damē sejahtere gen araq bareng kance side pade.

Epesus 4:23 Roh dait pikirande harus tejariang baru selapuqne.

Pilipi 2:2-5 sempurneang sukecrite tiang siq hal-hal niki: Side pade harus sopoq angen dait sopoq pikiran, lēq dalem sopoq kasih, sopoq jiwe, sopoq tujuan. 3 Ndaq ngelaksaneang napi juaq lantaran jari kepentingan mēsaq, atao jari nyombonggang diriq. Sebalikne, side pade sopoq-sopoq harus rendah atē anggep dengan lain solahan tebanding diriqde mēsaq.

4 Sebilang dengan ndaq cume merhatiang kepentinganne mēsaq, laguq kepentingan dengan lain ēndah. 5 Side pade harus bedowē pikiran maraq Deside Isa Almasih:

Pilipi 4:2 Tiang tunas tipaq Euodia dait Sintike adēq ie pade sopoq angen dait sopoq pikiran lēq dalem Tuhan.

Pilipi 4:7 Damē sejahtere lēman Jehovah saq ndēqne tepahamin siq pikiran manusie, gen meliharaq atē dait pikirande lēq dalem Deside Isa Almasih. (Yesaya 26:3)

Kolose 3:12 Side pade jari dengan-dengan saq tehususang bagi Jehovah. Jehovah ngasihin side pade dait tepilēq jari dowē-Ne saq husus. Keranaq nike side pade harus nyatayang belas kasihan, side pade harus murah atē, rendah atē, lemah lembut dait sabar.

2 Tesalonika 2:2 Ndaq becat-becat bingung dait osah lantaran araq berite bahwe jelo Tuhan sampun rauh. Sang berite nike asalne lēman roh, raos dengan, atao surat saq maraqne lēman tiang pade.

2 Timotius 1:7 Sēngaq Roh saq Jehovah icanin tipaq ite, ndēqne Roh saq miaq ite jari penakut. Sebalikne Roh Jehovah nike miaq ite jari kuat, penoq siq kasih dait tao nahen diriq.

Titus 2:6 Maraq nike ēndah, bēng nasēhat dengan-dengan bajang adēq ie pade nguasein diriqne dalem selapuq hal,

Ibrani 8:10 Laguq mangkin, niki perjanjian saq gen Tiang piaq kance umat Israel lēq jelo-jelo saq gen dateng, manik Tuhan: "Tiang gen noloq hukum Tiang lēq dalem pikiran ie pade, dait gen Tiang tulis lēq atē ie pade. Tiang gen jari Jehovah ie pade, dait ie pade gen jari umat Tiang."

1 Petrus 1:13 Keranaq nike, pade siepang pikirande dait waspade dait beharep sepenoqne lēq rahmat saq gen teicanin tipaq side lēq waktu Deside Isa Almasih rauh ēraq.

1 Petrus 5:2 Side pade harus bimbing dengan-dengan saq tepercayeang siq Jehovah lēq side pade, pade maraq pengarat saq ngarat dombedombe. Ndaq lantaran terpakse, laguq secare ihlas, sesuai kance pekayunan Jehovah; ndaq lantaran side mēlē boyaq keuntungan, laguq lantaran side pacu-pacu ngelaksaneang hal nike.

2 Petrus 3:1 Semeton senamian saq tiang kasihin! Niki surat tiang saq kedue tipaq side. Lēq dalem kedue surat niki, tiang berusahe ngidupang pikiran-pikirande saq murni.

Yakub 1:17 Selapuq hal saq solah saq teicanin dait paice saq sempurne datengne lēman sorge, teturunang siq Bapa, sumber selapuq cahaye dait saq ndēq iniq berubah atao bekurang lantaran perobahan. (Ayub 23:13)

Wahyu 17:9 Dalem hal niki perlu araq hikmat dait pengertian. Pituq otak niki pituq gunung; niki gunung-gunung taoq dengan nine niki tokol.

Jahat Pikiran Kitab Suci - Bad Mind Scriptures

Markus 7:21 Sēngaq lēman dalem atē dengan, timbul pikiran-pikiran jahat saq jari penyebap dengan gawēq perbuatan saq cabul, memaling, nyematēq, (Hizkiel 38:10)

Lukas 12:29 Jari, ndaq kuatir dait bingung mengenai napi saq side pade kelor dait inem.

Rasul-Rasul 12:20 Herodes menggah gati lēq dengan-dengan Tirus dait Sidon. Keranaq nike ie pade bareng-bareng ngadep Herodes. Mule-mule ie pade kēdēq Blastus, saq jari kepale istane Herodes, sehingga ie bepihak lēq ie pade. Sesampun nike ie lumbar ngadep Herodes, terus tunas bedamē, sēngaq negeri ie pade beharep sepenoqne lēq keloran lēman negeri Herodes.

Rasul-Rasul 14:2 Laguq dengan-dengan Yahudi saq ndēq mēlē percaye, hasut dengan bangse-bangse lain, sehingga miaq ie pade gedek lēq dengan-dengan saq percaye tipaq Deside Isa.

Roma 1:28 Sēngaq manusie ndēq merase perlu nenaq Jehovah, make Jehovah menengang pikiran ie pade jari sēde sehingga ie pade ngelaksaneang hal-hal saq ndēq kanggo telaksaneang.

Roma 8:6,7 Lamun pikirande tekuasein siq kemēlēq tabiat manusie, make akibatne kematēan, laguq lamun pikirande tekuasein siq Roh Jehovah, make akibatne idup dait damē sejahtere kance Jehovah. 7 Dengan saq pikiranne tekuasein siq kemēlēq tabiat manusie, dengan nike bemosuhan kance Jehovah; lantaran dengan nike ndēqne taat lēq hukum Jehovah; dait mule ie ndēq iniq patuh lēq hukum Jehovah.

Roma 11:20 Nike mule kenaq. Laguq ie pade tetetēh lantaran ie pade ndēq percaye, sebalikne side pade teterimaq lantaran iman side pade. Keranaq nike ndaq side pade jari sompong lantaran hal nike; sebalikne side pade harus merase takut.

2 Korintus 10:5 Tiang pade ngancurang pikiran-pikiran saq nyusatang dait segale macem kesombongan saq nentang penenaq jari kenal kance Jehovah. Tiang pade taklukang pikiran dengan-dengan dait miaq ie pade taat tipaq Almasih.

2 Korintus 11:3 Laguq tiang kuatir pikirande gen tegode jari ndēq setie malik lēq Almasih, pade maraq Hawa laēq ēndah tegode siq kelicikan ulah.

Epesus 2:3 Laēq ite selapuq pade ēndah kance ie pade; ite idup turut tabiat manusie dait ngelaksaneang napi saq nyenengang awak dait pikirante saq jahat. Lēq waktu nike ēndah ite jari dengan-dengan saq temurkeang

siq Jehovah, pade maraq dengan-dengan lain.

Epesus 4:17 Keranaq nike demi pesēngan Tuhan, niki saq gen tiang sampēang dait tegesang: Sampunang malik idup maraq dengan-dengan saq ndēq kenal kance Jehovah siq pikiranne saq sie-sie.

Kolose 1:21 Laēq idup side pade jaoq lēman Jehovah dait ngemusuhin Jehovah lēq dalem atē dait pikiran maraq saq nyate lēman perbuatan side pade saq jahat. (Perumpamean 21:27; Hizkiel 23:17)

Kolose 2:18 Ndaq side pade ngalurang diriqde terugiang siq dengan saq puraq-puraq ngerendahang diriqne dait nyembah malaēkat-malaēkat. Dengan nike sompong siq pikiran-pikiranne saq duniawi dait bangge-banggeang penyerioqan-penyeroqanne.

1 Tesalonika 5:14 Semeton senamian, tiang pade ēndah ngebēng nasēhat, peringet ie pade saq idup ndēq tertib; hibur dengan saq kuatir angenne; pade tulung dengan saq lemah dait sabar lēq selapuq dengan.

2 Tesalonika 2:2 Ndaq becat-becat bingung dait osah lantaran araq berite bahwe jelo Tuhan sampun rauh. Sang berite nike asalne lēman roh, raos dengan, atao surat saq maraqne lēman tiang pade.

1 Timotius 6:5 dait bēde pendapet saq ndēq araq tutuqne lēq antare dengan-dengan saq ndēq waras pikiranne dait jaoq lēman kebenaran. Ie pade paran bau jari sugih lēman ibadah.

2 Timotius 3:8 Pade maraq Yanes dait Yambres saq laēq ngelawan Musa, maraq nike ēndah dengan-dengan nike ngelawan kebenaran. Pikiran ie pade sēde, dait iman ie pade ndēq tahan uji.

Titus 1:15 Selapuq-lapuqne suci umaq dengan-dengan saq suci. Laguq umaq dengan-dengan saq kotor pikiranne dait saq ndēq beriman, ndēq araq napi juaq saq suci, sēngaq pikiran dait atē nurani ie pade sampun kotor!

Ibrani 12:3 Pade inget lēq le saq tekun nanggung penganiayean saq luar biase tipaq diriq-Ne lēman pihak dengan-dengan bedose, adēq side ndaq jari lemah dait putus ase.

Yakub 1:7/8 Dengan saq maraq nike ndēqne tetep pikiranne; ie ndēqne bau bait keputusan napi-napi lēq selapuq saq ie laksaneang. Keranaq nike ndaq ie harepang ēndah gen mauq napi-napi lēman Tuhan.